

館陶縣志卷之二

輿圖志

沿革 御迹

分野 封爵

疆域 古蹟

山川 陵墓

風俗 物產

封建廢而郡縣興屬在一邑亦有疆理之別昭封守也陶丘自秦漢以來割隸分置隨世代為變易雖厥名不同而星野攸分山川瞭然得無一一如指掌與民漸康叔之澤淳龐其天性俗頗稱茂前代勝迹遺聞俱可按籍而稽土宜亦足克上供培養之法所宜講焉志輿圖

沿革

館陶縣志

卷之二

輿圖

一

元

館陶古冀州地春秋時晉冠氏邑後屬趙西北七里
有陶丘趙置館於其側因名館陶秦屬東郡兩漢屬
魏郡武帝元光中河決館陶明帝時以其地為館陶
公主食邑魏晉屬陽平郡後趙徙陽平郡治於此隋
開皇初廢郡誤以屯氏河為毛氏置毛州領縣四堂
博平冠氏 臨清 大業初州廢北徙四十里建今治為縣屬
武陽郡唐初復置毛州後復廢為縣屬魏州大曆中
改名永濟尋復置館陶縣天寶初屬魏州魏郡宋建
隆四年復置永濟渠于館陶熙寧五年省永濟為鎮

入焉尋復屬大名府金因之元屬濮州明改屬東昌府弘治二年陞臨清爲州割屬臨清編戶二十七里國朝仍舊

續輿圖

知縣趙知希增脩

陶山在縣西南五十里府志云故老相傳在館陶鎮西南七十里許微有土阜輿圖志館陶古冀州地春秋時晉冠氏邑後屬趙西北七里有陶邱趙置館於其側因名館陶各志所載方隅里數參差互異獨大名一統志云在館陶縣之西南五十里館陶鎮之西

館陶縣志

卷之二

續輿圖

二

元

北七里與諸說較合而府志云七十里者當是七里十字或誤也康熙辛酉前令郎公奉檄詳覈親歷邑西南查訪無踪爲陶山記以續縣志極言其誤今將其記附後至陶邱載於各志戰國已名館陶歷世久遠陵谷滄桑事固有之正不得以一時之意見指歷代傳信之書爲烏有也

陶山記

知縣郎國楨

史載以館陶食主者凡三或曰以奧區故也然則何以名館陶則曰邑西南五十里有陶山趙主下降時

曾立館於此故以命名夫此地既東望岱岳西隣太行意所謂陶山者必其葱鬱標竒高華挺秀與東西相鼎峙始足以來翠華之蹕駐鸞鳳之騫不知其果作何狀也余彼時固已有一陶山者在吾意中而時會難值徒付之神遊已耳辛酉歲余適授館陶令既幸其途之近而又快陶山相值之竒馬首一南結成佳境而所謂陶山者則恍在目前矣既受事亟索誌觀之則陶山實志山川之首又譜爲八境之一曰陶山夕照而當時賢令與縉紳先生迭相倡和有千林

館陶縣志

卷之二

續輿圖

三

元

歸鳥下半壁彩霞生之句豈止寫盡夕照情事而山之幽閑多致隱然言外至是而陶山已躍躍欲出吾筆端紙上蓋几案間所見無非陶山也者藉使山靈相妬不假我緣終不得一與登眺之樂猶將詡詡自號於人曰吾從陶山來矣所聞如是所見如是使聽之者咸作是想何者蘊之久信之真直吐吾意中結撰之竒而不復作意外之觀也居無何朝廷脩一統志稔舊志之失實也撫軍分命監司偕郡倅尺寸而親歷徧記之郡倅乃預令長吏先驅詳覈以聞正愜

余之素志遂首事乎西南每遇土人急問曰若所謂陶山者何在乎曰無所謂陶山也若非邑西南五十里許地乎曰然抑或有邱阜如山形者乎則是者乎卽不然亦或有堤岸培塿隱起者乎則均曰無有也果一望盡平衍耳余歸而爽然自失者累日太史公曰儒者載籍極博必考信於六藝詩書之文可考而知書不云乎禹道沅水爲濟入於河溢爲滎東出於陶邱北邱非山之謂乎禹貢一書山川畢脩大聖人身歷而手訂之分疆別域山爲之鎮水爲之滎周官

館陶縣志

卷之二

續輿圖

四

元

職方因之高下至今井井豈獨於陶邱而失真不可解也孟子曰盡信書則不如無書予竊怪後之人生於斯久於斯豈不知探竒索勝而顧以訛傳訛登之縣志矢爲詩詞自誤以誤後人尤不可解也向非一統志之脩則監司郡貳何由而至令何因而履勘余復何因証誤而陶山不幾復傳信於志首哉然余則終不能釋於懷也意者高岸爲谷深谷爲陵山海滄桑自古有之後之學者其力薄其識卑樂於志祥憚於志怪無以俟後人之考究而傳此疑耳不然禹貢

之書豈欺我哉

書陶山記後

知縣趙知希

是辨陶之無山似矣東郡西南壤接直隸豫章平行數千里其地勢然也非獨一陶而舊志載陶山在縣西南五十里府志亦載在館陶鎮西南七里又鑿鑿言之者何居度所謂陶山者不過於平行中稍有巋然之勢而名奚必以東望泰岱西隣太行竟以東西鼎峙之局橫於胸中也哉余自抵任之二年邑民首報沙壓地畝一案清丈四境見縣自南抵東北有堤

館陶縣志

卷之二

續輿圖

五

元

旋繞俗呼曰長城堤又曰汰黃堤卽今志所載金堤是也南踰元城北赴臨清其首尾所經莫得而悉堤外卽黃河舊身雖皆淤爲平地而隱躍之間其勢大抵於堤相環抱則是堤之呼爲汰黃焉傳信矣堤外沿河之地卽里民所首沙壓者也詢其由咸稱河底荒沙每年乘春風盛起時滾入民間地內於康熙五十八九數年間尤甚自東北薛店以抵南之張沙鎮中間馬固李菜一帶尤爲回風聚沙之地庄房被壓者莫可尋其基址間有樓房之僅存者沙積或沒

其巔逶迤十數里高低起伏邱壑微具焉直接張沙
林木蔚秀儼然有崇岡峭壁之觀至問其積沙之由
張沙之里民則不記其歲年矣嗟乎張沙爲黃河入
境之首所謂陶山者其或在此耶禹貢道沅水東流
爲濟入於河溢爲滎東出於陶邱北則知陶之以邱
名也又以知河之與陶邱當相依也今由河以尋所
爲陶山者其斷在是無疑夫張沙在縣正南五十里
舊志載陶山在縣西南五十里府志亦載在館陶鎮
之西南七里今攷張沙當在館陶鎮之東南七里方

館陶縣志

卷之二

續輿圖

六

元

向稍訛謬不啻千里無怪乎郎公於平地求山不得
嘖嘖嘆惜於古人紀載之不實而說者又以爲陶山
在定陶而不在館陶均之過矣漢武帝元光中河決
館陶成帝時復決是山原不過沙磧凝結而成河水
順決自不如龍門之勞鑿也顧安知未決之先不更
有高於是者耶且今日之谷漸有爲陵之勢又安知
昔日之陵不爲谷也吾懼後日循名責實不得者遽
疑古人之或有虛名夫古人則斷無是矣

金	宋	唐	隋	北魏	南宋	晉	東漢	漢	館陶縣志	秦	戰國	春秋	唐虞三代	歷朝	館陶縣沿革表			
大名府路	河北東路	河北道	兗州部	司州部	兗州部	司州部		冀州部	卷之二 沿革		齊之西界屬魏	晉	冀州	封域				
大名府	大名府	魏州魏郡	武陽郡	陽平郡	陽平郡	陽平郡		魏郡		東郡				敘郡				
同	館陶	改永濟復置館陶	同	同	同	館陶	俱同	館陶			館陶				敘縣			
									元									

元	山東東西道濮州	同
明	山東等處布政使司東昌府	館陶縣
國朝大清	山東等處布政使司東昌府	館陶縣

按一統志東昌禹貢兗州之域郡舊志兼兗冀二州而館陶屬冀今考館陶爲齊趙衛魏之交當屬冀之東界宜以郡志爲據縣舊志稱爲夏觀扈之國考其地在觀邑非陶區也秦漢後屬東郡魏郡割隸不常逮隋置毛州領屬縣規模寔弘闢矣自廢州爲縣唐分隸魏州宋屬大名實爲北沿邊地

館陶縣志 卷之二 沿革 一一 元

後舉鼎南徙版圖日蹙河以北悉屬金有元併之明初分隸東昌疆宇劃然又衛河一線引淇洹之水運中州漕粟以達燕京形勢益雄視諸邑其地平坦曠衍無險阻可憑依依惟逼近臨清據南北咽喉頗稱要害

國朝大名增置總督屬東西孔道輪蹄不絕旋復裁去今簡僻如故矣

分野

清類天文志室壁在亥自危十三度至奎一度屬衛

分河北今開封白馬大名澶懷衛相濮皆其地
唐天文志營室東壁娵訾也自王屋太行而東得漢
河內至北紀之東隅北負漳鄴東及館陶聊城又自
河濟之交涉滎波瀆濟水而東得東郡之地古邶鄘
衛凡 邗雍共微觀南燕昆吾豕韋之國自閤道王
良至東壁在豕韋爲上流當河內及鄆鄴之南得山
河之會爲離宮又循河濟而東接玄枵爲營室之分
輿地考曰營室衛分野今靈冒濮陽之西北境博平
之西南境皆是

館陶縣志

卷之二

分野

三

元

按一統志東昌天文危室分野考史記營室東壁
分野在東郡魏郡文獻通考營室東壁衛分野兼
得齊宋趙魏之交唐天文志所載營室東壁得河
內東及館陶尤爲明確洪邁云衛受封河內後徙
楚丘河內本冀州所部其分邑皆在東郡故通志
因之曰室壁在亥衛分野爲東昌濮范臨清館陶
等州邑今據諸書斷之館陶屬室壁分野無疑矣
舊志及臨清丘縣志俱稱屬昂畢趙分野陶非其
晉天文志云營室東壁衛屬并州其地多在

西北與今疆域不合又云柳七星張周三輔分野
河東入張一度河內入張九度益參錯不足據總
之天象渺茫郡國廢置名殊欲執一邑分域強合
纏次之度如符節然難矣易曰觀乎天文以察時
變周禮保章氏辯土觀星以察妖祥蓋聖君之所
以修儆而設教也豈其微哉

疆域 里至附

東西廣六十里

南北袤七十五里

館陶縣志

卷之二

疆域

四

元

東至堂邑縣夫人村四十里

南至冠縣新莊村二十里

西至丘縣成兒寨二十五里

北至臨清州尖塚集二十五里

東南至丘縣萬善集十八里

西南至元城縣火兒寨六十五里

西北至臨清回回墓二十五里

東北至臨清段家屯四十五

東至堂邑縣治八十里

南至冠縣治四十里

西至丘縣治四十里

北至威縣治九十里

東南至莘縣治一百二十里

西南至元城縣治一百里

西北至曲周縣治九十里

東北至臨清州治七十里

東南距東昌府治一百二十里

東距山東布政使司二百八十里

館陶縣志

卷之二

疆域

五

元

北距

京師九百里

山川

陶山 在縣西南五十里禹貢道沅水東流為濟入

于河溢為滎東至于陶丘北即此

玉山 即玉山館今無攷

金雞山 在縣南五十里平村其地高阜崎嶇有山

麓之狀明洪武辛未春夜耕者見羣鷄呼鳴於上

初不疑後以鞭擊皆化為火光飛去惟一火隨鞭

墜地成一金雞嗣後夜屢見援弓射之其光遂滅
曉視悉爲雞跡因名其地曰金雞山

攷孫文義生於其鄉洪武辛未文義登進士第一人
以爲文明之兆云

黃河 漢武帝元光中河決館陶成帝時復決館陶
卽此今河絕故道存焉在縣西南西河寨西

衛河 在縣西二里源出輝縣百門泉引淇洹二流
逕縣至臨清與汶水合爲今漕渠北入海隋疏爲
永濟渠其征高麗因御樓船過此又名御河

館陶縣志

卷之一

山川

一

元

漳河 在縣南五十里源出山西長子縣曰濁漳出
樂平縣沽嶺曰清漳俱東經河南臨漳縣一北流
入滹沱河一東流至館陶入衛河明萬曆初漳河
北徙由武安肥鄉入曲周滏陽河

屯氏河 按水經大河故瀆北出爲屯氏河逕縣東
別河又東北逕武城故城南別瀆又東北逕清河
故城西北逕靈縣北又東北逕鄆縣與鳴犢河合
漢永光五年河決清河靈鳴犢口而屯氏河絕

篤馬河 在縣東南十五里

王莽河 在縣西南六十里遷隄邨之南自元城縣
黃金隄包兒頭迤邐北至盤隄盤隄至孫店以及
爐里爐里至徐家 入衛河

考王莽曾祖賀爲大名名宦卜居元城賀以下塚
墓俱在元城此河想爲莽濬故以莽名又初始三
年河決魏郡汎清河以東數郡先是莽恐河決爲
塚墓害及決東去元城不憂水遂不隄塞河爲莽
濬無疑

概郡屬無山不過高岡長嶺培塿隱起似山形總

館陶縣志

卷之一 山川

二

元

無片石層巖出平地數十丈者不惟陶一邑也黃
河故道在縣西南廣闊數里與廣平相接居漳衛
西昔魏史起鑿十二渠引漳水以灌斥鹵之田而
河內饒唐塞之往者漳水突發挾衛流洶湧而來
陶邑屢受其害自徙滏陽患始息焉今中州糧艘
由衛達汶頗受漕之利獨是河流衝決隄岸坍塌
所在時有司水衡者因時設防隨地興利民其不
魚矣乎諸舊河跡僅存者載以備覽

續山川

河渠

雍正三年六月戶部尚書蔣公廷錫爲漕運全資水利條列五事內云

一分漳資衛之故道似可復也查衛水出輝之西門其泉甚細雖東引淇陽洹之水而三水亦皆微弱故河南漕艘至衛輝水次受兌至於館陶每苦淺阻又北九十里至臨清與會通河合諸閘正皆封閉蓄水以待南漕其流入衛者不過於南漕放閘時順下分寸之間耳其自臨清至青縣仍僅衛水一流供運也

館陶縣志

卷之二

續山川

三

元

考元河渠諸書云衛水至山東館陶閘漳水合焉北與會通河合北歷德滄諸州至青縣合滹沱河北達天津會白河入海故衛河之流勢常充盛運道無淺澁之阻今自青縣以北猶是昔時故迹而漳水北徙蓋在明萬曆時先是永樂中漳水入衛之道湮塞宣德八年御史林廷舉按元時舊迹於廣平縣大留村鑿通故道置閘遏水轉入於衛嗣後衛水增漕舟便利至萬曆二十八年漳溢滙流而北入衛之道遂廢給事中王德宅上言衛水昔抑漳水今漳則細緩不

能攝捲泥沙宜塞高家口漳水合滏之道導漳入小民河以達於衛費少利多實爲上策時議不果行自此與衛分而爲二矣夫衛水自輝縣至大名有淇陽洹三流之資豫漕雖難免盤剝之費幸道里尙近自大名以至青縣六百餘里若得漳水以廣其流誠七省漕運之大利也臣常考地圖今廣平縣之南至冠縣之西有地溝一道約長五十餘里俗所稱古屯氏河也每漳水盛長之年常有漫水溢入通流於衛是宣德時林廷舉所開之古迹今若於此處施工因淺

館陶縣志

卷之二

續山川

四

元

加深因狹加寬開引漳水之口導入衛之流所費諒不甚巨而可復先時引漳濟衛之利但漳大衛小恐有泛溢之虞宜於所開之河多置閘座衛水盛則閉閘約漳北趨衛水弱則開閘引漳濟衛似於衛河運道甚有裨益條奏上於是年之八月奉

旨差內閣學士何國琮等八位大人查勘

愚按明萬曆二十八年漳河北徙由魏縣入曲周滏陽而館陶之流絕至康熙三十七年漳水分注間從館陶出口與衛河合流或仍流曲周而入滏

陽忽來忽去竟無定軌及康熙四十七八年間漳水之北道淤塞而全漳之水復由故道卽今館陶縣境西南五十里漳神廟南之漳河口是也蔣公摺內分漳資衛一條云考地圖今廣平縣之南至冠縣之西約長五十餘里俗所稱古屯氏河卽於此處施工濬鑿可復先時引漳入衛之利等語今訪土人云康熙四十七八年後全漳復循故道現在通流細看河境卽在廣平之南冠縣之西蓋蔣公但據舊籍所載漳河北徙合滏而云然也康熙

三十七年漳漸返故道康熙四十七八年全漳水復由故道之由未經載有典籍公無得而知之總之
聖朝聲靈所及河伯效順前之名賢屢經設法而未
有成功今自然復故實爲瑞徵云 又按河南漕
艘之阻滯阻於衛未合漳之上流而非在館陶已
經合漳之下流也考舊日豫糧受兌原在館陶之
窩頭鎮後漸移至上流之小灘鎮又移至衛輝府
此當事以受兌之便而屢移阻滯或遂不能免耳

又按漳河南徙於康熙四十二年五十年六十年間爲災爲甚懷襄之勢居然水國矣今則其勢少馴每逢天雨連綿亦間有泛溢之憂但漳水性渾濁與黃河無異隨挖隨淤且其中衝瀏無定難施疏鑿之功至設立閘座啟閉恐一淤又復他道矣且漳水南徙民憂漳水之淹而亦甚德漳水之淤蓋漳水所過薄地盡膏其爲利亦復甚普也

館陶河渠考誌書并諸家所載合之見聞俱不相符嗣容細查確訪另撰一卷奉覽

館陶縣志

卷之二

續山川

六

元

曹公堤

雍正八年河決宋家庄淹沒田禾無數至雍正十年知縣曹纒躬督鄉夫增堤三百六十丈底三丈面一丈月餘工峻莫不感德

風俗

人好儒學性質直懷義有古之風烈

隋書

俗近敦厚家知禮遜習俗節儉人多讀書士風彬彬

賢良宏博

一統志

士習詩書尚禮義民朴實無浮華

通志

家習儒業人以文鳴農桑務本戶口殷富

府志

歲時正月元日鷄初鳴燃燈燭作供禮天地懸先人之像拜之已乃坐家長堂上子孫叩首及明姻友盛服謁來相慶稍疎止投名刺 上元有燈士女夜遊 二月十九日大士聖誕設醮或梨園演雜劇 清明

館陶縣志

卷之一

一

元

架秋千祭掃丘隴 三月念八日東嶽拜誕 四月

八日菩提浴佛 端午簪榴插艾作百索角黍爲雄

黃菖蒲飲 十三日慶賀關帝聖誕 七月望日謁

墓 中秋爲月餅祭月 重陽爲菊糕饋女婦 十

月朔又謁墓剪褚爲寒衣焚之 臘日雜炊七寶五

穀謂之臘八粥二十四夜祠竈 除日陽春帖桃符

神

御迹

漢文帝女竇后所生文帝卽位爲館陶長公主堂邑

候陳午尚之

宣帝女爲館陶公主愛姬華倓仔所生名施施于定國子永尚之

光武第三女爲館陶公主名紅福適韓光明帝時爲子求郎帝不許賜錢千萬謂羣臣曰郎官上應列宿出宰百里苟非其人民受其殃是以難之

隋大業七年春二月煬帝御龍舟渡河永濟渠夏四月至臨朔宮徵天下兵會涿擊高麗

唐高祖第十七女爲館陶公主適崔宣慶高祖崩葬

館陶縣志

卷之一

二

元

獻陵詔子孫願陪葬者許之公主與焉

明建文元年十一月成祖靖難兵至臨清移屯館陶十二月至東昌平燕將軍盛庸麾兵圍數里成祖易服躍馬潰圍出退駐館陶

封爵

漢館陶王宣帝愛姬華倓仔所生子封於此

晉館陶王當恣莊王之子封於此

北魏王榮世本縣人以功進爵爲伯

見人物

唐郭震以功封館陶男進封代國公

攷震字元振貴鄉人封館陶男食邑三百戶震少
有大志十六與薛稷趙彥昭同爲太學生家嘗送
資錢四十萬會有衰服者叩門自言五世未葬願
假以治喪元振悉與之不問名氏稷等嘆服十八
舉進士爲通泉尉任俠使氣不拘小節武后詔與
語奇之索所爲文章上寶劔篇后覽嘉嘆西兵寇
涼州拜震爲涼州都督自是州無患又開屯田水
陸之利稻收豐衍牛羊被野河西諸郡立祠頌德
神龍中遷安西大都護進爲太僕卿將行安西號

館陶縣志

卷之二

封爵

一

元

泣相畱玉門去涼州猶八百里城中爭以壺漿歡
迎則天二年以兵部尙書門下三品誅太平公主
有功進封代國公復爲朔方大總管未行會講武
驪山帝親之震遽奏止帝怒將斬之劉幽求張說
諫止流新州起爲饒州司馬道病卒東萊先生云
諒乎元振功顯節完一跌未復世恨其蚤歿云

古蹟

平臺 漢舊域名在縣西界或云春秋魯敗赤狄于

曲梁卽此

青陽城 在縣西十里漢馮異追銅馬賊于此

攷青陽 無城在馬頭渡正西八里

黃花臺 在縣西南二十里衛河西澣漢明帝妹封

爲館陶公主築臺於此址湮未久

駙馬渡 在縣西南四十里因漢駙馬過此而名今

猶爲渡口

毛州城 卽舊南館陶在縣西南四十里隋置大業

初廢屬武陽郡週圍八里遺址尚存

蕭城 在縣東南五里宋景德元年遼主殂蕭后攝

館陶縣志

卷之二

古蹟

一

元

國事率其弟撻覽侵澶淵築城於此卽歇馬城時
寇準請帝幸澶淵撻覽方布陣城上遣牀子弩射
殺之遼人大挫衄請盟而退壘址尚存城週圍十
餘里高三丈四門俱存內有二將臺土人名曰新
城又古城

孝子臺 在縣西南五里縣民張永修築

透靈碑 相傳在縣治十字街今無攷

李丞舊居 見唐皇甫冉詩今無攷

松滋監 在縣東北大章保見霍爾赤傳或誤爲彭

祖店

無縫井 在縣治西街北磚筒砌成未詳斃于何人
育英泉 在儒學西南隅元大德初縣尹溫仲謙鑿
味極甘美

嘉禾堂 元溫仲謙置大德六年仲謙為館陶尹化
民以德嘗行農畝間有一莖六穗之異遂立嘉禾
堂有碑記在尖塚鎮前清泉驛即其地今久廢
八栢亭 明知縣鄺琚以後堂舊有八栢約高二丈
故名

館陶縣志

卷之二

古蹟

二

元

漏澤園 在城北四十步明成化十七年山東布政
使邢移劄屬邑各設此園以恤貧死無葬地者知
縣王和建工部主事繆昌有記

義塚 一在城南三十步一在城東百步外一在城
北十五里烟店原置俱無考一在尖塚西河岸王

宗仁置

附八景

陶山夕照

見山川晚照有佳致故取之

東嶽晴雲

城東門映泰岱烟雲繚繞亦杜子美
詩齊魯青未了之義

駙馬古渡

見建置

黃花故臺

見前

衛河秋漲

見山川每歲秋霖泛溢河濶可數丈星槎客舫風帆如駛漕艘動以數百

計洵一邑勝概也舊曰春漲邑令鄭君改曰秋漲信然

蕭城曉煙

見前即歇馬城也今舊跡雖存遊其地者但見頽垣殘月古樹悲風令人

思山高水長云

古井甘泉

即無縫井見前

長隄春色

舊有透靈遺碑鄭君易以此

陵墓

館陶縣志

卷之一

古蹟

三

元

戰國段干木墓

在城北十里

攷段干木魏人居山西芮城墓在安邑段村今館

陶有墓不知何據

國朝順治丁酉教諭閻應震于城北里許立段干木

碑康熙七年知縣鄭先民新構一亭刻石顏其

上曰清風高節聯其旁曰直今傳有塚在昔未稱

臣與前任明府程君墓俱于寒食重九親致祭焉

唐段道超墓

干木裔孫詳見藝文

郭公姬薛氏墓

陳子昂為作墓志銘今無攷

金張元帥墓 在邑境內公名弼詳見藝文

元劉君墓 在城西二十里教授趙從善有記

段萬戶墓 在城西八里青陽城西公名伯豫父暹

行軍千戶濮州太守伯豫昭勇大將軍管軍萬戶

鎮守杭州路又超宗士禎俱為將軍

王萬戶墓 在城北十里二墓俱無攷

耿公墓 在城西南五十里拐渠邨公名從周生元

之中葉至明初子孫多遷居郡城世以科第顯綿

延至今三百餘年號為望族

館陶縣志

卷之一

陵墓

一

元

郭公墓 在城南麻呼寨公諱良詳見墓志

物產

穀之品

黍 稷 粟 菽 麥 粦麥 蜀秫 穆子 蕎

麥 黑豆 黃豆 白豆 藁豆 豌豆 豇豆

青豆 扁豆 羊角豆 龍爪豆 芝蔴 紅小豆

蕙苡 稻 胡蔴

木之品

楊柳 白楊 青楊 桑 柘 榆 槐 松 栢

楮 椿 椒 桐 三春柳 楸 櫻

果之品

桃李 石榴 梨 柿 杏 櫻桃 木瓜 林

檜 核桃 葡萄 無花果 花紅 蘋果 文官

果 棗 秋子 柰子 榘 梅子

蔬之品

薯蕷 菘 豐 椿芽 豆芽 莧 蕘 莖 莖

蘿蔔 韭 葱 薤 大蒜 芫荽 生菜 芥波

菜 茼蒿 甘藷 白花 紫花 香芋 芹 茄

館陶縣志

卷之二

物產

一

元

西瓜 王瓜 甜瓜 苦瓜 南瓜 葉葉瓜

絲瓜 冬瓜 葫蘆 瓠子 民瓜 脆瓜 金瓜

花之品

牡丹 芍藥 鷄冠 木香 夜合 粉團 罌子

粟 石竹 棣棠 海棠 玉蘭 荷 萱草 蜀

葵 玉蝴蝶 榴 碧桃 絳桃 山丹 紫蝴蝶

梅 紫薇 小桃紅 丁香 秋海棠 鴈來紅

金盞 長春 珍珠 玉簪 黃蜀葵花 金絲

桃 紫荊 金雀 薔薇 十姊妹 玫瑰 菊

茶蘼 結香 金錢 凌霄 月季 淡竹 剪秋

羅 茨菰 木槿 雙鸞菊 虎茨 旋覆 藍菊

纏枝牡丹 梔子 臧金蓮 桂花 瑞香 寶

珠茶 水仙 茉莉 蘭 蘭桂諸種俱自南土來者亦非本地所產牡丹芍藥

亦自近地移栽者居多

草之品

節節草 稗 箭稗 莎草 茅草 白蘋 白草

蔓草 張綿草 星星草 虎鬚草 馬蘭莠

蒼耳 小蘭 茜艾 紅蓼 苔 蘚 蒿

館陶縣志

卷之二

物產

二

元

浮萍

藥之品

葶藶 草蒿 牽牛子 葶麻子 蘆根 枸杞子

益母草 車前子 艾 蒺藜 兔絲子 菖蒲

旱蓮草 紅花 酸棗仁 乾蒲花 火麻子

桑白皮 天花粉 山藥 茴香 栝子仁 桃

仁 杏仁 槐角子 王不留行

毛之品

羊 馬 驢 羸 犬 猪 猫 鼠 兔

獾 地羊 田鼠

羽之品

鷄 鵝 鴨 鴿 鴟 鴞 鷺 鶴 燕 鷓 鴒

鴻 鵠 鴛 鴦 水鴨 鷺 鷹 鷺 蒿 雀

烏 鴉 鳩 喜 鵲 啄 木 鶴 鶉 杜 鵑 黃 鸝

雉 蝙蝠 蠟 嘴

鱗介之品

鯉 鯽 鮎 鰱 鱖 鯪 鰕 蟹 鱉

蟲之品

館陶縣志

卷之二

物產

三

元

蠶 蠹 斯 蚯 蚓 蠶 蠹 蟋 蟀 水 蛭 蝻 螂

螳 螂 蚊 蟬 游 蝻 螻 蛄 螟 蛉 蛇 蚰 蜒 蜻

蜓 蝴蝶 蠅 蚋 蝻 螺 螺 蜘蛛 蟬 秋 蟬

蝦 蟆 蠅 虎 蜂 蟻 螢

貨之品

綿 木 棉 紬 絹 布 靛 烟